

**XAASHIDA XAQIIQDA MACLUUMAADKA TALLAALKA EE LOOGU TALOGALAY DADKA QAATA TALLAALKA IYO BIXIYEYAASHA DARYEELKA KUNA SAABSAN TALLAALKA PFIZER- BIONTECH COVID-19 IYO TALLAALKA PFIZER-BIONTECH COVID-19, BIVALENT (ORJINAALKA IYO OMICRON BA.4/BA.5) SI LOOGA HORTAGO CUDURKA CORONAVIRUS 2019 (COVID-19) LOONA SIIYO CARRUURTA JIRTA 6 BILOOD ILAA 4 SANO**

**DADKA JIRA 6 BILOOD ILAA 4 SANO JIRKA**

**Cunugaaga waxaa la siinayaa Tallaalka Pfizer-BioNTech COVID-19 ama<sup>1</sup>Tallaalka Pfizer-BioNTech COVID-19, Bivalent<sup>2</sup>si looga hortago Cudurka Coronavirus 2019 (COVID-19) ee uu sababo SARS-CoV-2.**

**Tallaalka Pfizer-BioNTech COVID-19 iyo Tallaalka Pfizer-BioNTech COVID-19, Bivalent waxay ka heleen Ogolaanshaha Isticmaalka Degdegga ah (EUA) Maamulka Cuntada iyo Dawada ee Mareykanka (FDA) si loo siiyo tixanaha aasaasiga ah ee garoojada 3-aad shakhsiyadka jira min 6 bilood ilaa 4 sano sida soo socota:<sup>3, 4</sup>**

**Kuurada 1aad: Tallaalka Pfizer-BioNTech COVID-19**

**Kuurada 2aad: Tallaalka Pfizer-BioNTech COVID-19**

**Kuurada 3aad: Tallaalka Pfizer-BioNTech COVID-19 Vaccine, Bivalent**

Xaashidan Xaqiiqda waxaa ku qoran macluumaad kaa caawinaya inaad fahamto halisaha iyo faa'idooyinka Tallaalka COVID-19 ee Pfizer-BioNTech iyo Tallaalka COVID-19 ee Pfizer-BioNTech, Bivalent, kaasi oo ay dhici karto in canugaagu qaato sababtoo ah hadda waxaa jira safmarka COVID-19. La hadal bixiyaha tallaalka ee canugaaga haddii aad qabto su'aalo.

Xaashidaan Xaqiiqda waxaa laga yaabaa in la cusbooneysiiday. Xaashida Xaqiiqda ee ugu dambaysay, fadlan ka fiiri [www.cvdvaccine.com](http://www.cvdvaccine.com).

**WAXA AY TAHAY INAAD OGAATO KA HOR INTA CANUGAAGU UUSAN QAADAN WAX KA MID AH TALLAALADAAN**

<sup>1</sup> Tallaalka Pfizer-BioNTech COVID-19, waa tallaalka monovalent, wuxuu diraa borootiinka halka qodax leh ee kaliya fayraska Asalka ah ee SARS-CoV-2.

<sup>2</sup> Tallaalka Pfizer-BioNTech COVID-19, Bivalent wuxuu diraa borotiinka qodaxda leh ee fayraska Asalka ah ee SARS-CoV-2 iyo Omicron BA.4/BA.5 SARS-CoV-2.

<sup>3</sup> Haddii uu cunugaagu gaarayo 5 sano jir 11-ka asbuuc ee xiga uusana wali bilaabin tixanahiisa aasaasiga ah, cunugaaga ayaa qaadan kara midkood kuwa soo socda: (1) tixane 3 garoojo ah oo aasaasi ah sida lagu xusay Xaashida Xaqiiqda; ama (2) tixane aasaasi ah oo 2 garoojo ah oo leh Tallaalka Pfizer-BioNTech COVID-19 oo loo ogolaaday isticmaalka shakhsiyadka jira 5 sano ilaa da'da 11 sano jirka. Fadlan kala hadal xulashooyinka bixiyahaaga.

<sup>4</sup> Waxaad heli kartaa Xaashidaan Xaqiiqda haddii cunugaagu jiro 5 sano horayna uu u qaatay garoojada Tallaalka Pfizer-BioNTech COVID-19 ee loo ogolaaday in loo isticmaalo dadka jira 6 bilood ilaa 4 sano. Cunugaagu wuxuu dhammaysan karaa tixanaha aasaasiga ah ee 3da garoojo sida lagu xusay Xaashidaan Xaqiiqda.

## **WAA MAXAY COVID-19?**

Cudurka COVID-19 waxaa sababa koroonafayras lagu magacaabo SARS-CoV-2. Waxaad ka qaadi kartaa COVID-19 taabashada qof kale oo qaba fayraska. Badi waa xanuun neef mareenka ku dhaca laakiin sidoo kale saamayn kara xubnaha kale. Dadka qaba COVID-19 waxay yeeshaan astaamo badan sida lasoo tebiyo, kuwaasi oo ka bilaabma astaamo fudud ilaa jirrooyin dhimasho keeni kara. Astaamuhu waxay soo bixi karaan 2-14 maalmood kadib markaad u baylahdo fayraska. Kuwaan waxaa ku jira: qandho ama qarqaryo; qufac; neefta oo kugu yar; daal; murqo ama jir xannuun, madax xanuun; lumida cusub ee dhadhanka ama urta; cune xanuun; calool istaag ama sanko oo diif ka dareerayo; lallabo ama mantag; shuban.

## **SIDEE TALLAALKA COVID-19 EE PFIZER-BIONTECH IYO TALLAALKA COVID-19 EE PFIZER-BIONTECH, BIVALENT ISULA XIRIIRAAN?**

Tallaalka COVID-19 ee Pfizer-BioNTech, Bivalent waxaa loo sameeyaa si la mid ah sida Tallaalka COVID-19 ee Pfizer-BioNTech laakiin sidoo kale waxaa ku jirta qayb Omicron ah si ay uga caawiso kahortagga COVID-19 uu keeno nooca Omicron ee SARS-CoV-2.

Si aad u hesho xog badan oo ku saabsan EUA, eeg “**Waa maxay Ogolaanshaha Isticmaalka Xaaladda Degdegga ah (EUA)?**” qeybta ah dhammaadka Xaashidaan Xaqiiqada.

## **WAA MAXAY WAXAAD U SHEEGI LAHAYD BIXIYAHA TALLAALKA EE CANUGAAGA KAHOR INTA UUSAN QAADAN MID KA MID AH TALLAALADAAN? U sheeg bixiyaha tallaalka dhammaan xaaladaha caafimaadka ee canugaaga, oo ay kujiraan haddii canugaaga:**

- uu qabo wax xasaasiyad ah
- uu qabo bararka murqaha wadnaha (caabuqa muruqa wadnaha) ama bararka xuubka sare ee wadnaha
- uu qabo qandho
- uu qabo cillad dhanka dhiigbaxa ah ama uu qaato daawo dhiigga khafiifiso
- uu qabo liidasho dhanka difaaca jirka ah ama qaato daawooyin saameeya nidaamkaaga difaaca ee canugaaga
- uu qaatay tallaalka kale oo loogu talagalay COVID-19
- waligii mar un suuxay kadib markii cirbad lagu duray

## **SIDEE TALLAALADAN LO BIXIYAA?**

Tallaalka COVID-19 ee Pfizer-BioNTech, ama Tallaalka COVID-19 ee Pfizer-BioNTech, Bivalent waxaa lagaga mudi muruqa canugaaga asagoo cirbad lagula durayo.

Tixanaha aasaasiga ah ee dhammaystiran wuxuu ka kooban yahay 3 kuuro oo la qaato ugu yaraan 11 asbuuc.

- Tallaalka Pfizer-BioNTech ee COVID-19 waxaa loo bixiyaa sida ah 2 kuuro oo hore oo isu jira 3 asbuuc.
- Tallaalka Pfizer-BioNTech COVID-19, Bivalent waxaa loo bixiyaa sidii kuurada saddexaad taasoo la bixiyo ugu yaraan 8 asbuuc kadib kuurada labaad.

Tallaalku waxa laga yaabaa in uusan qof kasta ilaalin.

## **YAAN HELAYNIN TALLAALKA COVID-19 EE PFIZER-BIONTECH AMA TALLAALKA COVID-19 EE PFIZER-BIONTECH, BIVALENT?**

Waa inuusan canugaagu qaadan wax ka mid ah tallaalan haddii uu:

- ka qaaday falcelin xasaasiyadeed oo daran kadib garoojaduu horey u qaatay ee ah Tallaalka COVID-19 ee Pfizer-BioNTech
- uu dareencelin xasaasiyad daran ka qaaday wax kasta oo ka mid ah tallaalladan.

## **WAA MAXAY WAXYAALAHA KU JIRA TALLAALADAN?**

Tallaalka Pfizer-BioNTech COVID-19 iyo Tallaalka Pfizer-BioNTech COVID-19, Bivalent waxaa kujira maadooyinka soo socda: mRNA, dufan (((4-hydroxybutyl)azanediyl)bis(hexane-6,1-diyl)bis(2-hexyldecanoate), 2 [(polyethylene glycol)-2000]-N,N-ditetradecylacetamide, 1,2-distearoyl-sn-glycero-3-phosphocholine, iyo kolesterool), tromethamine, tromethamine hydrochloride, sucrose, iyo cusbada caadiga ah (sodium chloride).

## **TALLAALADAN HOREY MA LOO ISTICMAALAY?**

Malaayiin carruur ah oo jira 6 bilood ayaa qaatay Tallaalka COVID-19 ee Pfizer-BioNTech iyadoo u maray oggolaanshaha Isticmaalka Xaaladda Degdegga ah (EUA). Tijaabooyinka caafimaad, qiyaastii 1,200 oo qof oo da'doodu tahay 6 bilood jir ilaa 23 bilood jir, 1,800 oo qof oo da'doodu tahay 2 sano jir ilaa 4 sano jir, iyo qiyaastii 3,100 oo qof oo da'doodu tahay 5 sano jir ilaa 11 sano jir ayaa qaatay ugu yaraan 1 garoojo oo ah Tallaalka Pfizer-BioNTech COVID-19. Tijaabo caafimaad oo kale, qiyaastii 23,000 oo qof oo jira 12 sano ama ka weyn ayaa qaatay ugu yaraan 1 kuuro oo ah Tallaalka COVID-19 ee Pfizer-BioNTech.

Malaayiin qof oo 5 sano jir iyo kawayn ah ayaa ku qaateen Tallaalka COVID-19 ee Pfizer-BioNTech, Bivalent si waafaqsan EUA. Tijaabo caafimaad, qiyaastii 300 oo qof oo da'doodu ka wayn tahay 55 jir ayaa qaatay hal garoojo oo ah tallaalka bivalent kaasi oo ka duwan Tallaalka COVID-19 ee Pfizer-BioNTech, Bivalent maadaama uu isaga ku jiro qayb Omicron ah oo gooni ah.

## **WAA MAXAY FAA'IDOOYINKA TALLAALADANI?**

Tallaalka Pfizer-BioNTech ee COVID-19 waxaa la muujiyay inuu ka hortago COVID-19. FDA waxay ogolaatay Tallaalka COVID-19 ee Pfizer-BioNTech, Bivalent si looga helo difaac wanaagsan oo ka dhan ah COVID-19-ka uu keeno nooca Omicron ee SARS-CoV-2.

Mudada uu difaaci karo COVID-19 waqtigaan lama oga.

## **WAA MAXAY KHATARAHA TALLAALADAAN?**

Waa wax aan aad u badnayn in tallaaladaan ay sababi karaan falcelin xasaasiyad daran ah. Xasaasiyadda daran waxay caadiyan dhici kartaa dhowr daqiiqo ilaa hal saacad gudahooda markii la qaato garoojada. Sababtaan darteed, bixiyaha tallaalka canugaaga ayaa weydiin kara meesha canugaaga uu kusoo qaatay tallaalka si uu ula socdo

tallaalka kadib. Calaamadaha xasaasiyadda daran waxaa ku jiri kara:

- Neefsashada oo adkaata
- Barar wajiga iyo dhuunta ah
- Wadne garaac degdeg ah
- Firiiric xun oo ka soo yaaca jirka oo dhan
- Wareer iyo tabar darro

Bararka murqaha wadnaha (caabuqa muruqa wadnaha) ama bararka xuubka sare ee wadnaha (caabuqa xuubka sare ee wadnaha) ayaa ku dhacay qaarkood dadkii qaatay Tallaalka Pfizer-BioNTech COVID-19 iyo Tallaalka Pfizer-BioNTech COVID-19, Bivalent. Dadka qaarkii, calaamadaha ayaa bilowday maalmo yar tallaalka kadib. In arrinkaani dhaco aad ayay u yartahay. Waa inaad raadiso daweyn caafimaad durba haddii cunugaagu uu yeesho wax ka mid ah calaamadaha soo socda kadib markii uu qaato Tallaalka Pfizer-BioNTech COVID-19 ama Tallaalka Pfizer-BioNTech COVID-19, Bivalent, gaar ahaan 2 asbuuc gudahood kadib markii cunugu qaato kuuro ka mid ah mid ka mid ah tallaaladaas labada ah:

- Xabad xanuun
- Neefta oo yaraato ama neefsashada oo dhib ah
- In aad daremeyso inay neeftaadu degdeg tahay, wadnaha oo ruxanaaya ama aad u garaacmayaan
- Suuxitaan
- Xanaaqid geyru caadi ah ama joogto ah
- Quudasho xumo joogto ah ama geyru caadi ah
- Daal geyru caadi ah oo joogto ah iyo tabar la'aan
- Mantag joogto ah
- Xanuun caloosha ah oo joogto ah
- Maqaarka oo u qaboow si aan caadi ahayn oo joogto ah isla markaana cadaada

Waxyeelooyinka laga soo tabiyey tallaaladan waxa ka mid ah:

- Falcelinta xasaasiyadeed ee daran
- Xasaasiyadaha aan darnayn sida finanka, cuncunka, barbararka, ama bararka wajiga
- Bararka murqaha wadnaha
- Bararka xuubka sare ee wadnaha
- Goobta cirbada lagu muday oo xanuunta/ama jilicsan
- Daal
- Madax-xanuun
- Xanuun murqaha ah
- Qarqaryo
- Kala-goysyo xanuun
- Qandhada
- Barar barta la muday ah
- Casaansho barta la muday
- Lalabo
- Juucjuuc

- Qanjaha (*lymph nodes*) oo barara (*lymphadenopathy*)
- Himmadda cuntada oo yaraata
- Shuban
- Matag
- Cudud xanuun
- Suuxitaan la xiriira tallaalka qofka lagu muday
- Dawakhsanaan
- Xanaaqitaan

Waxaa dhici karta inaysan dhicin waxyeellada suurtagalka ah ee tallaaladan dhammaantood. Waxyeello halis ah oo aan la fileyn ayaa dhici karta. Waxyeelooyinka suurtagalka ah ee tallaaladan wali waa la daraaseeyaa.

## **MAXAAN KA YEELAYAA WAXYEELADIISA?**

Haddii xasaasiyad daran uu canugaagu la kulmo, soo wac 9-1-1, ama aad isbitaalka kuugu dhow.

Wac bixiyaha tallaalka ama bixiyaha caafimaadka ee canugaaga haddii canugaaga ay kasoo gaaraan waxyeello dhiba ama aanan baxayn.

Usoo sheeg waxyeellada tallaalka FDA/CDC Nidaamka Soo Tebinta Dhacdada Daran ee Tallaalka (VAERS). Nambarka lacag la'aanta lagu soo waco ee VAERS waa 1-800-822-7967 ama onlayn kusoo gudbi <https://vaers.hhs.gov/reportevent.html>. Fadlan ku qor midkood "Oggolaansahaha Isticmaalka Xaaladda Degdegga ah ee Tallaalka COVID-19 ee Pfizer-BioNTech" ama "Oggolaansahaha Isticmaalka Xaaladda Degdegga ah ee Tallaalka COVID-19 ee Pfizer-BioNTech, Bivalent" laynka koowaad ee sanduuqa #18 ee foomka warbixinta.

Intaasi waxaa dheer, waxaad usoo tebin kartaa waxyeellada Pfizer Inc., adigoo isticmaalaya xogta xiriirka ee hoos lagu xusay.

<b>Mareegta</b>	<b>Lambarka fakiska</b>	<b>Geli lambarka taleefoonka</b>
<a href="http://www.pfizersafetyreporting.com">www.pfizersafetyreporting.com</a>	1-866-635-8337	1-800-438-1985

Waxaa sidoo kale lagu siin karaa xulashada aad isaga diiwaangalinayso v-safe. V-safe waa aalad casri ah oo ikhtiyaari ah oo ku saleysan taleefannada casriga ah oo adeegsata farriimaha qoraalka iyo xog-uruurin mareegeed si loola socdo dadka la tallaalay oo loo aqoonsado waxdhimaalada iman kara kadib tallaalka COVID-19. V-safe waxay ku weydiin su'aalo kaa caawinaya CDC la socodka badqabka tallaalka COVID-19. V-safe waxay sidoo kale bixisaa xusuusinta garoojada haddii loo baahdo iyo dabagalka taleefanka ee tooska ah ee ay sameyso CDC haddii kaqeybgalayaashu ay soo sheegaan saameyn caafimaad oo weyn kadib talaalka COVID-19. Wixii macluumaad dheeraad ah oo ku saabsan sida la isu diiwaan galiyo, booqo: [www.cdc.gov/vsafe](http://www.cdc.gov/vsafe).

## **KA WARAN HADDAAN GO'AANSADO INAANAN QAADAN TALLAALKA COVID-19 EE PFIZER-BIONTECH, AMA TALLAALKA COVID-19 EE PFIZER-BIONTECH, BIVALENT?**

Sida ku cad Ogolaansha Isticmaalka Degdegga ah ama EUA, waxaa jirta xulasho lagu aqbali karo ama lagu diidi karo qaadashada wax ka mid ah tallaalka. Haddii aad go'aansato in canugaagu uusan qaadan wax ka mid ah tallaalka, taasi baddalimayso daryeelka caafimaadka ee canugaaga ee heerka la wada aqbalay gaarsiisan.

## **MA JIRAAN KHIYAARO KALE OO LOOGA HORTGO COVID-19 KASOKOW TALLAALKA COVID-19 EE PFIZER-BIONTECH AMA TALLAALKA COVID-19 EE PFIZER-BIONTECH, BIVALENT?**

Tallaalo kale oo looga hortago COVID-19 waxaa laga yaabaa in la heli karo ayna hoos imaanayaan EUA.

## **MA QAADAN KARAA CANUGEYGU TALLAALKA COVID-19 EE PFIZER-BIONTECH, AMA TALLAALKA COVID-19 EE PFIZER-BIONTECH, BIVALENT ISLA MAR KALIYA SIDA TALLAALO KALE?**

Ma jirto wali xog loo gudbiyey FDA oo ku saabsan bixinta Tallaalka COVID-19 ee Pfizer-Biontech ama tallaalka COVID-19 ee Pfizer-Biontech, Bivalent isla mar kaliya sida tallaal kale. Haddii aad ka fakarayso in cunugaagu qaato Tallaalka COVID-19 ee Pfizer-Biontech ama tallaalka COVID-19 ee Pfizer-Biontech, Bivalent isaga iyo tallaal kale, kala hadal khiyaarada bixiyaha daryeelka caafimaadka ee canugaaga.

## **MIYAA TALLAALADAN UU CANUGEYGU KA QAADI DOONAA COVID-19?**

Maya. Tallaaladan kuma jiro SARS-CoV-2 kamana qaadi karo canugaagu COVID-19.

## **XAFIDO KAARKA TALLAALKA EE CANUGAAGA**


Marka canugaagu qaato tallaalka COVID-19 ee koowaad, waxaad heli doontaa kaarka tallaalka.

Xasuusnoow inaad la timaado kaarka markii canugaagu uu soo laabanayo.

## **MACLUUMAAD DHEERAAD AH**

Haddii aad qabto su'aalo, booqo mareegta ama soo garaac taleefan lambarrada hoos lagu qoray.

Si aad u hesho Xaashidii Xaqiiqda ee ugu dambaysay, fadlan iskaan garee koodhka QR ee hoos lagu qoray.

<b>Websayd caalami ah</b>	<b>Lambarka taleefoonka</b>
<p><a href="http://www.cvdvaccine.com">www.cvdvaccine.com</a></p> 	<p>1-877-829-2619 (1-877-VAX-CO19)</p>

## **SIDEEN INTAAN WAX KA BADAN U OGAAN KARAA?**

- Weydii bixiyaha tallaalka.
- Ka booqo mareegta CDC <https://www.cdc.gov/coronavirus/2019-ncov/index.html>.
- Booqo mareegta FDA ee ah <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>.
- La xiriiir waaxda caafimaadka dadweynaha ee dowlada hoose ama gobolkaaga.

## **XAGEE AYAA XOGTA TALLAALKA EE CANUGEYGA LAGU KEYDINAYAA?**

Bixiyaha tallaalka ayaa laga yaabaa inuu kusoo daro xogta tallaalka ee canugaaga Nidaamka Xogta Tallaalka ee deegaankaaga maxalliga ah/gobolka (IIS) ama nidaam kale oo loo qoondeeyay. Wixii macluumaad dheeraad ah ee ku saabsan IISs booqo: <https://www.cdc.gov/vaccines/programs/iis/about.html>.

## **MIYAA LA IGA QAADAYAA KHIDMAD LOOGU TALA MAAMULKA OO LOOGU TALA GALAY QAADASHADA TALLAALADAN COVID-19?**

Maya. Hadda waqtigaan bixiyuhu kaama qaadi karo qarashka kuurada tallaalka lagaamana qaadi karo qarash ku baxaya tallaalka oo jeebkaaga aad ka bixinayso ama qarash kale haddii un aad qaadanayso tallaalka COVID-19. Si kastaba ha ahaatee, bixiyeyaasha tallaalka ayaa dooni kara dib usoo celinta habboon ee qarashkii baxay oo ka imaanaya barnaamij ama qorshe loogu tala galay qarashka bixinta tallaalka COVID-19 kaasi oo loogu tala galay dadka qaadanaya tallaalka (caymis gaar ah, Medicare, Medicaid, Health Resources & Services Administration [HRSA] COVID-19 Barnaamijka Dadka Aan La Caymin ee loogu tala galay dadka qaadanaya tallaalka ee aan la caymin).



## **XAGEEN USOO TEBIN KARAA KIISASKA KHIYAAMADA LAGA SHAKIYO?**

Dadkii ogaada xadgudubyo dhici kara oo ka dhan ah Barnaamijka Tallaalka ee COVID-19 ee CDC waxaa lagu dhiirigelinayaa inay usoo tebiyaan Xafiiska Baaraha Guud, Waaxda Mareykanka ee Caafimaadka iyo Adeegyada Insaanka ayagoo soo garaacaya 1-800-HHS-TIPS ama <https://TIPS.HHS.GOV>.

## **WAA MAXAY BARNAAMIJKA TALLAABOYINKA LOOGA HORTAGO MAGDHAWGA DHAAWACA?**

Barnaamijka Tillaabooyinka Ka-hortagga ee Magdhawga Dhaawaca (CICP) waa barnaamij heer federaal ah oo gacan ka geysan kara bixinta qarashka daryeelka caafimaadka iyo qarashyo kale oo gaar ah oo loogu tala galay dad gaar ah oo si halis ah ugu dhaawacmay dawooyin ama tallaalo, ay tallaaladan kujiraan. Guud ahaan, sheegasho waa in loo soo gudbiyo CICP hal (1) sano gudihii laga bilaabo taariikhda maalinta la qaatay tallaalka. Si aad wax badan uga ogaato barnaamijkan, booqo [www.hrsa.gov/cicp](http://www.hrsa.gov/cicp) ama soo wac 1-855-266-2427.

## **WAA MAXAY OGOLAANSHAHA U ISTICMAALKA XAALADDA DEGDEGGA AH (EUA)?**

EUA waa qaab lagu fududeeyo helitaanka iyo isticmaalka baddeecadaha caafimaad oo ay ku jiraan tallaalada inta ay socdaan xaaladaha degdegga ah ee caafimaadka dadweynaha sida safmareenka haatan socda ee COVID-19. EUA waxaa taageera Xoghayaha Caafimaadka iyo Adeegyada Aadanaha (HHS) caddeyntiisa ah in daruufo jiraan loogu cudurdaarayo isticmaalka degdegga ah ee dawada iyo wax soo saarka bayolajiga ah inta uu socdo safmarka COVID-19. Wax soo saarka loo ansixiyay isticmaalka degdegga ah uma uusan marin isla nooca dib u eegidda ah ee FDA ka sidii wax soo saar ansixin ka helay FDA.

FDA waxaa laga yaabaa inuu soo saaro EUA markii shardi gaar ah la waafaqo taasoo ay kujirto inaysan jirin baddallo la heli karo oo ku filan oo la ansixiyay. Intaas waxaa dheer, go'aanka FDA waxaa uu ku salaysan yahay guud ahaanshaha caddeynta sayniska ee la heli karo ee muujinaysa in baddeecadu wax-ku-ool u tahay kahortagga COVID-19 inta uu jiro safmareenka COVID-19 oo faa'iidooyinka la ogsoon yahay iyo suurtagalka ah ee baddeecada ay ka badan yihiin halista la ogsoon yahay iyo suurtagalka ah ee baddeecada. Shardigaas oo dhan waa in la buuxiyo si loo oggolaado baddeecada in la isticmaalo inta uu jiro safmareenka COVID-19.

EUA wuxuu shaqeynayaa inta ay shaqeyneyso caddeynta EUA ee COVID-19 taasi oo u cudurdaareysa isticmaalka degdegga ah ee wax soo saarkaan, haddii aanan la joojin ama aanan laga noqon (taasoo intaasi kadib wax soo saarka aanan lasii isticmaali kareyn).

**BIONTECH**

Waxaa loo soo saaray  
BioNTech Soo Saaridda GmbH  
An der Goldgrube 12  
55131 Mainz, Germany



Waxaa soo saartay shirkadda  
Pfizer Inc., New York, NY 10017

LAB-1517-3.3c

Dib loo eegay: Diseembar 8, 2022



Iskaan garee si aad u duubto in Xaashidaan Xaqiiqda la siiyey qofka tallaalka la siiyay si loo galiyo diiwaanka caafimaadka ee elektaroonigga ah/nidaamyada xogta tallaalka.

GDTI: 0886983000486